

## JUSÈP LOÍS SANS SOCASAU

Dissabte, 16.11.2013 03h00

< precedent

# Okcitanio, nevidebla lando

 Pas cap de comentari  Me gusta  0 Tweet

★★★★☆ (3  
vòtes)

Auí interès per esperanto, abans que pera mia pròpia lengua. Enes mies volentats juvenils m'apròpe der aprenentatge d'aguesta lengua artificiau, pes circunstàncies que l'entorauen: lengua sense interèssi economics, damb finalitats d'amassar a toti, damb intencions de promòir era patz, era libertat... Pensaua, o volia creir, qu'es objectius de justícia e d'equilibri qu'entorauen er esperanto la harien trionfar en mon des lengües . Creiguia ena mia potentia inocència juvenila qu'era bondat des òmes promoïre ua conciência collectiva en favor dera implantacion der esperanto ena màger part des comunicacions internacionaus.



Non siguec atau, mès maugrat er auanç de lengües que, coma er anglés, an era volentat d'èster es egemoniques, er esperanto, dempús des ans seguís auent un ròtle e seguís mantenguent un collectiu de volentats que mantien aqueri valors que provoquèren eth mèn apropament. En fòrça encastres er esperanto i é present e consolide posicions que lo hèn créisher. Entre fòrça d'autes estructures, mos cau arregraïr qu'èi present [en traductor automatic de Google](#), a on, per domatge, er occitan encara non i é. Demori que non tardarà.

Es ans me heren apropar ara mia lengua prumèra e a dedicar toti es mèns esfòrci ada era. Es principis que m'auien hèt apropar ar esperanto, son es madeishi qu'alavetz metia ath servici der occitan: era defensa dera libertat personau e collectiva, era promocion dera patz, deth dret des pòbles, dera facilitat de comunicacion, dera justícia...

Ena mia concepcion personau, eth mèn mon ideau, se botjaue ath torn de dues lengües: era mia, era que m'auie servit entà créisher, entà elaborar eth mèn mapa conceptuau e emocionau, e ua auta entà comunicar-me damb era rèsta deth mon. Eth mèn mon soniat, d'ua infancia plia d'esperit, sonque auie dues lengües: era mia e era de toti. Era qu'auia popat e era qu'entre toti creàuem. Arren de mès irreal e impossible. Viuí era rèsta dera mia vida, sense besonh d'esperanto, sense ne besonh dera sua preséncia e damb ua luta constanta pera mia lengua pròpia. Pes circunstàncies deth mon que m'a tocat viúer, tota era mia vida, era màger part des aspèctes socials, laboraus, academics e culturaus, s'a expressat en lengües que son extranhes, o parciaument extranhes ara mia condicion identitària.

Ei plan per açò qu'è rebut damb fòrça satisfaccion, damb gran gò [aguest primèr congrès occitan d'esperanto](#) que s'a celebrat en Salardú, en Aran, enes inicis d'aguest mes, ena Escòla de Tecnic Esportius. A estat eth primèr congrès occitan d'esperanto (1a Okcitana Kongreso de Esperanto) e es organizadors l'an hèt a coincidir damb eth 36u congrès catalan d'esperanto (36a Kataluna Kongreso de Esperanto).

Participar damb catalans e occitans des principis basics qu'auien d'orientar era promocion des lengües, era identitat des pòbles, era comprenença entre comunitats, era comunicacion liura, a estat un plaser.

Escotar conferenciar en esperanto a personas damb es que normalaments me comunicui en occitan, a estat recuperar es principis juvenils qu'un dia m'apropèren ad aquesta lengua e descorbir que damb eri m'apropèren aspèctes mès grani qu'es dera nòsta lengua occitana.

## PERFIL



**Jusèp Loís Sans  
Socasau** 

Director de politica lingüistica  
deth Conselh Generau d'Aran.

[mai d'informacions](#)

[contactar l'autor](#)

## LAS MAI...

- ...recentas ...comentadas ...legidas
-  [Era crisi der individu ... e der estat](#)  
Amb un comentari. 12.10.2013
  -  [Es autes Val d'Aran. Conclusions](#)  
Amb 2 comentaris. 14.09.2013
  -  [Es autes Val d'Aran \(VIII\). Ladin de Fassa](#)  
Amb un comentari. 13.07.2013

## MAI D'ARTICLES

- [Era crisi der individu ... e der estat](#)  
12.10.2013
- [Es autes Val d'Aran. Conclusions](#)  
14.09.2013
- [Es autes Val d'Aran \(IX\), Aosta, Mónegue, Luxemborg, Canàries...](#)  
10.08.2013
- [Es autes Val d'Aran \(VIII\). Ladin de Fassa](#)  
13.07.2013
- [Es autes Val d'Aran \(VII\). Corsega](#)  
08.06.2013

## ARCHIUS

2013  Novembre 

Es nivèus d'intervencion sigueren, boni, de fòrça nivèu. Relacionat damb er occitan aueren era oportunitat d'escotar a Jacme Taupiac conferenciar sus er occitanisme e er antioccitanisme a on analisau es posicions d'aqueri qu'atempten contra era consolidacion dera lengua. Tanben escotèrem a Ferriòl Macip en ua comunicacion "Okcitanio, nevidebla lando", Occitània, país invisible, damb aportacions que mos heren sènter era extrema manca de visibilitat qu'auem. Auérem era expression de Carles Vela, President dera Associacion Catalana d'Esperanto, Doctor en istòria, expèrt enes relacions dera Corona d'Aragon ena epòca medievau, que hec un allegat sus era Querimònia, era Batalha de Murèth e es acòrds de Lies e Patzeries E, fin finau en acte ludic deth ser auérem era sòrt de gaudir dera actuacion de JoMo, eth cantautor showman occitan, Joan-Marc Leclercq, que mos hec erosi pendent mès d'ua ora damb composicions en occitan e en esperanto.

Me cau arregraïr era oportunitat qu'es organizadors me dèren de poder explicar era actuau "politica lingüística der occitan" en ua comunicacion, qu'incrementèt era preséncia der occitan.

La batala por mia okcitana lingvo trovis en tiu kongreso multnombrajn interparolantojn el diversaj lokoj. Certe esperantistoj retrovis min kiel subtenanton (Era batalha pera mia lengua occitana a trobat en aguest congrès interlocutors multiples e de diuèrses procedéncias. Ei clar qu'es esperantistes an recuperat en jo a un aliat).

Nòta: Abans de hèr aguest article, dubtè en hèr-lo, perque un des promotors deth Congrès esperantista, Ferriòl Macip, ei eth madeish que dirigís aguest miei de comunicacion, Jornalet, e non volia semblar excessivament interessat, mès deuant dera manca d'opinion ad aguest subjècte m'è decidit.

183 lecturas Pas cap de comentari Mandar



PUBLICITAT



## COMENTARIS

No hi ha cap comentari

## COMENTA

Nom (o Pseudonim)

Vila (Facultatiu)

Adreça e-mail (Serà pas mostrada)

Comentari

Notificacion per e-mail s'i a de nòus comentaris

MANDAR

PREVISUALIZA

La direccion del Jornalet a lo drech de publicar pas aqueles comentaris que respècten pas las nòrmas basicas d'educacion,

## ETIQUETAS

acadèmia aosta aranés arpitan canari crisi

educacion es autes val daran es autes vals daran

escòla esperanto lengua ligur luxemborgués

monegasc occitan romanch **sans** sansaosta societat

## D'AUTRES ARTICLES



**Maime Caillon**

Daus bonets e daus camions

15.11.2013



**Marçal Girbau**

Un enarc exemplar (I)

14.11.2013



**Eric Roulet**

Bretanha: una revòlta de l'identitat

13.11.2013



**Joan-Marc Leclercq**

Escamarlada democratica

12.11.2013



**Domergue Sumien · Questions de lenga occitana**

Lo nom de Clarmont-Ferrand

11.11.2013